

樂  
靜  
先  
生  
集  
五



樂靜先生李公文集卷第十八

啓狀十二

謝運使學士

答留臺沈次夫

回致仕畢大夫

賀濟州太守禮上

濟卒問去

沂宿太守問候

沂宿通判問候

提刑問候

鉅野李昭玘字成季



賀荆王

賀淮陽知軍到任

謝曹州呂孝廉

謝黃尚書

謝運使學士

瀝懇乞麾方自規於假守被恩易以猶外總於詳刑  
濫同原隰之馳喜有瞻言之便退循屛緩寔幸庇依  
伏惟某官道學知天德名輔世文章足以華國事業  
見於濟時被熙寧睿聖之知叅金華勸諫之任發揮  
與義允協上心伯仲談經偉矣一時之美君臣合契

煥乎千載之逢早預登瀛久宜視草淵衷密簡舊德  
是圖眷惟京左之將翰寔首國中之轉餉借籌良畫  
澄清暫委於宣風告后嘉猷雅健方思於掌制佇期  
迅召亟展度亟欣禱併深叙陳奚罄

荅留臺沈大夫

瀝懇乞麾方自規於假守被恩易地猶外總於詳刑  
視事云初賜函先及伏以某官雅推令矩久著能名  
請留鑰之臺綏暫資宿望披中宸之芝檢行踐壁塗  
覲德未皇致郵不敏良有後時之塊益深內訟之私  
感忤既并叙言罔旣



回致仕畢大夫

謬膺煩使方愧於澄清夙仰高風雅懷於瞻覲遺牘  
未皇於郵置貺音先辱於騰亟伏惟某官藹著令名  
久躋顯仕逡巡易退之辱節士夫共仰於懸車優游  
佚老之榮談笑未承於揮塵即圖披晤深祝保綏感  
系之誠叙陳奚既

賀濟州太守禮上

顯膺綸命榮領藩符消擇剛辰奉宣王詔伏惟度慰  
恭以某官挺才出類秉德兼仁朝廷允協於僉謀郡  
國實資於共理恩威方著問望益隆緬惟布政之優

綽有怡神之裕雞犬堦境庶可仰於仁風素梓在郊  
均有蒙於德庇傾依第切瞻對未緣伏望上為邦家  
精調寢饋

儕倅問候

結好鄰邦幸及餘波之潤被官半刺阻陪揮塵之談  
月吉荐更郵音稍闌逖惟副貳之暇動協神明之休  
某官德宇淳深聲猷遠播游必久當於煩劇宅心自  
處於高明某濫以散才謬當別乘鄉閭已熟於風化  
治境又記於庇庥仰德寔勞馳心孔疚方應鍾之在  
候宜吉履之順時伏願上為廟朝精調寢饋



沂宿太守問候

行郵闊畧曠馳欵啟之音大府重深徒仰浚明之德  
茂惟鎮俗之暇克擁自天之休某官學際聖真才高  
名世良二千石果膺治主之求課第一人行見褒書  
之下某濫叨貳政獲庇鄰封頌韁鎖之坐拘莫親高  
範雖馬牛之不及尚借餘光參對未緣傾依至切願  
保寢興之美益介福綏之休

沂宿通判問候

督府閔決愧非半刺之良擊柝相聞殊慶此賢之吉  
徒有德公之原尚踈奏記之動勳逝惟燕間休有忉相

恭以其官器能通博夙度醇深荐更寄委之繁夙振  
清修之美豈茲別乘可屈遠圖佇顯効之寢彰副公  
朝之明陟叶光御政和司方伏覲上為邦家精調寢饋

提刑問候

講聞高譽雖懷仰德之勤奔走官遊未獲依風之便  
比叨屬部猥託巨庥將覲使節之華遂如昔日之願  
某官器周物表識洞幾先早膺中宸之眷求特委東  
州之廉按奉行拜憲方曲尽於恕心進對楓庭將入  
參於近輔即期迎拜倍切懽愉

賀荆王

裂地全荆撫有大邦之衆建旄東道載兼兩鎮之雄  
茂雅同姓之恩永賴維藩之固凡叨臨庇舉積懽愉  
某限守州符阻趨宮邸

賀淮陽知軍到任

宦服奔馳悵趨風之久阻封圻連絡幸擊柝之相聞  
方染翰以馳誠忽飛騰之來貺載懷謙抑但極感銘  
某官才賦疏明器函夷粹雅有臨人之望夙推治劇  
之能剖竹方州暫煩於共理握蘭華省行躡於近班  
尚阻披承益祈珍衛

謝曹州呂孝廉

得士則重方盛世之有為舉爾所知蓋古人之公義猥  
叨廉按敢後薦揚僭易為慙賤疏何補某官才猷兼備  
風績素高久揚歷於事功慙淹回於藩守昔年共事已  
凌屬於青雲比歲得遷尚蒼茫於白首幸緣眾譽輒罄  
裴言固非量力之所宜特恐蔽賢而蒙罪豈期謙眷特  
屈誨存感服之私誦言罔究

謝黃尚書

誤被宸恩就更憲領猥緣獎遇獲預光華方俟命以造  
朝阻登門而伏謁敢期謙屈曲示摭存聽君子之言未  
遑歛袂拜使者之賜竊幸置懷

裂地全荆撫有大邦之衆建旄東道載兼兩鎮之雄  
茂惟同姓之恩永賴維藩之固凡叨臨庇舉積懽愉  
某限守州符阻趨宮邸

賀淮陽知軍到任

宦服奔馳張趨風之久阻封圻連絡幸擊柝之相聞  
方染翰以馳誠忽飛騰之來貺載懷謙抑但極感銘  
某官才賦疏明器函夷粹雅有臨人之望夙推治劇  
之能剖竹方州暫煩於共理握蘭華省行躡於近班  
尚阻披承益祈珍衛

謝曹州呂孝廉

得士則重方盛世之有為舉爾所知蓋古人之公義猥  
叨廉按敢後薦揚僭易為慙賤疏何補某官才猷兼備  
風績素高久揚歷於事功慙淹回於藩守昔年共事已  
凌屬於青雲比歲得遷尚蒼茫於白首幸緣眾譽輒罄  
裴言固非量力之所宜特恐蔽賢而蒙罪豈期謙春特  
屈誨存感服之私誦言罔究

謝黃尚書

誤被宸恩就更憲領猥緣獎遇獲預光華方俟命以造  
朝阻登門而伏謁敢期謙屈曲示摭存聽君子之言未  
遑歛袂拜使者之賜竊幸置懷



樂靜先生李公文集卷第十九

賀冬正啟狀十四

鉅野李

昭玘

字成季

賀游龍圖冬

賀兩府冬

賀提舉冬

賀隣郡守倅冬

回外邑宰冬

賀監司正

賀運句正

賀曾端明正

賀孫學士正

賀隣郡冬

賀李邦直冬

回諸州通判冬

賀安撫冬

賀兩府冬

賀游龍圖冬

舜璣觀象迎長至

於箕躔節律吹灰肇太和於天統

陰窮於剝陽復而升正君子之大享與廟堂之均泰  
其惟某官才猷映世聞望高時抱忠義於邦家勒功

名於典冊比分閫柄亟騰威略之聲旋偃便藩益著  
循良之政式遵令序宜茂繁禧即趨近密之班以輔  
太平之業某方祇行役將遂叅承祈頌交深敷宣罔既

賀兩府正

三陽大亨一歲更始此天地泰通之際乃精神會聚之時

宜有吉祥來薦君子某官翊亮三世儀刑百工適當  
龍躍之初屹有棟隆之任天其或者將俯屬於治平  
神寔听之方共扶於業履况三朝之令序惟百祿之  
是膺又我烝民繫股肱之永賴錫公純嘏與邦社以  
同休泰通

賀提舉冬

肇陽一復潛明萬物應書雲之觀望增化日之舒長  
仰屬使華倍祈天祉某官才資高遠性德溫恭結明  
主之深知聯外臺之要職訓齊法守開闢利權聳人  
望之愈崇宜神休之有相三微正始方協慶於令辰  
百福應期佇進膺於嘉命某限拘官守阻造賓塔無  
任傾依祝頌之至

賀鄰郡守倅冬

玉管召陽土圭測日推物萌之載始嘉道長之方來  
君子對時神明協慶某官靖恭秉德直亮端懷早膺

中辰之眷求雅為多士之師表暫資賢望出佐方州  
宜民之謠既喧聞於載濟自天之報方順履於迎長  
序奉褒恩入躋近輔

回外邑宰冬

陽生律本日起牛初吉履對時宜有踐長之慶謙光  
相與乃承流問之勤載味多言唯深感臆

賀監司正

時月易而書年天地交而為泰宜大人之應會與庶  
物以咸新某官德美在躬聲華高世器識蘊兼人之  
富事功為諸路之優方迎道長之期宜享彙征之福



行頌褒詔入踐近班

賀運句正

天地既交在時為泰君子寢長與物偕通某官綽著  
吏能雅為國器順履吉亨之會茂迎福祿之來佇被  
陞徑君華要莫遑稱壽但極馳誠祝頌之深喻言奚既

賀曾端明正

運回一氣卦畫三陽方天地之泰通契君臣之感會  
某官著龜先覺柱石元勳早贊畧於西樞暫偃藩於  
東面道乘時長福以類來佇膺袞黼之褒即正鈞衡  
之位某限拘官守阻造賓閣

賀孫學士正

葦桃在戶稂莠以餞餘寒椒栢稱觴燔烈以興嗣歲  
在時為泰與物咸新某官道為儒宗望出民表暫假  
藩宣之尊尚淹廊廟之才方迎道長之期宜享彙征  
之福竚參大用俯慰具瞻

賀鄰郡冬

微陽肇復庶物更新盪祓不祥逐群陰而盡竄導迎  
多祐乘一氣以俱亨宜有神休耒相賢業恭惟某官  
儒紳元老禁苑名臣久著望於朝端暫偃藩於方面  
利有攸往道已應於朋來聲無宜不福將迎於類至

竚承節召入輔帝猷某限守州符阻趨賓次

賀李邦直正

一歲始而為正三陽交而為泰乃天地資生之會寔  
君臣受福之時某官德業亮天誠明周物夙富經綸  
之學屹為柱石之材望重兩朝進退必歸乎禮義道  
高萬世始終不累于功名神明所扶福祿來附方懇  
辭於机政暫出鎮於留都圖任舊人將再調於元化  
永錫難老庶大庇於斯民限守官箴阻趨均屏

回諸州通判冬

書雲應候測景踐長方陽德之時升宜君子之道長

某官性姿宏厚器識疏明暫閔決于名藩將徑躋於  
華貫俯迎令節倍格繁休方修拜慶之儀遽辱飛緘  
之賜但勤誦願尤極感銘

賀安撫冬

一陽資始萬物更新發施天地之和敷錫君臣之福  
恭惟某官生民先覺命世上才總制節于東州坐消  
姦慝宣詔條于屬吏恪循良坐迎日至之長茂擁  
百祥之助七百來復宜君子之階升一節以趨將龍  
光之兼被某限拘符守阻造賓墀

賀兩府冬

律應黃鍾斗建子位為天地資生之始乃君臣受福  
之時恭惟某官柱石元勲著龜舊德處朝廷以正直  
安天下以惠和偉然事業之光華休有神明之協相  
茂迎令序倍格厯禧大賚善人方允升于高位永錫  
難老將久庇于生民某限守州符阻趨鈞屏

樂靜先生李公文集卷第十九

樂靜先生李公文集卷第二十

啟狀八

鉅野李

昭

玘

字成季

謝及第

謝舉幕職

謝舉太學博士

謝館職

代庭玉弟謝呂大資舉縣令

代謝薦

又代謝薦

代謝改官



謝及第

興能而出治雖先王本俗以教民有德者必言故近  
世攷文而取士發於里選簡在帝庭暮辭褐博之卑  
朝飾青縞之貴聖人由是而政立君子資之而道行  
豈宜承學之鎖材冒廁諸儒之上列恩深渙汗愧若  
負芒嘗聞啟治之君以得士為難非常之材必待時  
而奮合謀以計其事兩作以離其明惇德允元二帝  
襲衣裳之化尚賢絀惡三王同道德之歸九官脩而  
百工釐八政齊而五士舉作人以東序西序辨志於  
小成大成論然後官無假人之名器教之不率有移  
化之郊鄉後世失教育之方學者喪艾淑之寔天地  
之全既缺性命之理益微操守不經繡已加于擊悅  
童昏益亂巧尚弊于雕虫於皇我朝奮越治古方大  
明嗣服之始寔百度作新之時發揚聖綸蕩斥末學  
神寄出而臭腐化糟粕弃而醇精流養成材于浸潤  
之微成德性于高明之至近觀之則言行斯富大用  
之則禮樂可興自昔所難於今為易鳶飛魚躍莫知  
鼓舞之神雲翔風從來格光華之會如某者器唯物  
小性匪近中論世讀書嘗慕古人之遠遊心竄句尚  
迷俗學之迂加之禍患侵陵事為乖迂三人行而二

人感歎往何之一日暴而十日寒所存能幾以謂否  
必有喜窮當益堅幸留涸轍之軀復鼓敗軍之勇類  
陪歲貢再踐春闈偶中莛于下陳旋奔哀于故里生  
無以奉逝者何追祿不逮親仕斯可已度餘年之殘  
稿憫衰系之飄零勉奉寬恩竭奉上國平日寡彈冠  
之援高門無曳履之遊術本甚疎誰恤不曳之藥義  
難自遠耻為躍冶之金接武掖門觀光黼坐觸神遊  
于敢忽奉清向于雍容心目雖明氣辭几困少年而  
動文帝固慙賈誼之才徒步以見太宗竊感馬周之  
遇各使發言而觀志僅能引古以議今盈溝之雨易

窮暴日之暄奚補既乏甚高之論但虞無救之誅舜  
用五臣蓋及至精之選羿虧一矢遂無必中之功尚  
優片善之求過預六人之列量才匪稱戴寵若驚此  
蓋伏遇某官大雅存心至誠格物知識足以發天人  
之蘊聞譽足以為邦家之光才富而若虛登高而善  
下憫不能而如已無求備以與人過致繆庸輒承甄  
採敢不行其所學不志蚤夜之思慎乃終身少荅生  
成之賜遇此以往未知所裁

謝舉幕職

此者特預薦章俾升幕佐名非實副感與愧并嘗聞

人雖病於難知士亦羞於詭遇謂能脩其身則天且不廢苟自信以道則世誰可輕如玉韞匱以何沽况珠在淵而心媚所期非速為趨每高或片言而推其器識之優或一見而許以公侯之貴盖去就之有守在賢否以甚明故時無滯才朝及公舉惜乎風流既息古義寔衰弊是非之實以愛憎櫻榮辱之情於得喪霄漢扶持之速哇足三公塵埃排擯之餘蒼顏斗粟至使名身兩役物我更持冰炭裝懷夜忘卧夢風波駭目日起志憂甚者巧希合于情先閉險深于迹外邨鄆善步壽陵爭襲其趨螳螂據蟬黃雀已窺其

後笑窮通之有序矜富貴於易煤千里坐期一跌隨廢如某者生而寡見長則數竒趨時雖願於激揚學道每傷於遲後四百年之傳序世出聞人三千秩之故書家無別橐引矚簪裾之外來游翰墨之場見舟即操往焉無煩取蜩猶掇頽者皆驚兩綴賢書再丁家禍餘生之殘槁擢一第於淹回尚怜垂翅之窮猶有搶榆之決然而上京雄觀羣俊並驅談落落以相高意僂而欲舉自惟推賤分取弃沉何期舊學之拙迂忽誤近臣之論薦職之鄉校編以儒林脫猷朴之喧囂屏薄書之恠惚弦歌終日酣味六經少釋為貧



之憂終懷浮食之愧加以服大人之餘誨感末路  
之多虞益知勢利之易污未見紛華之少樂不肯碌  
碌與時太踈何為區、頽影自笑每欲抗林泉而佚  
老擷杞菊以茹飢放浪形骸優游歲月向子平之家  
事猶累素心陶靖節之吾廬但馳去夢遲、斯久忽  
忽未遑愈深必退之思無復儻來之望敢希孤官輒  
動上官憫其矩步之勞挈以循階而進此蓋伏遇某  
官至仁兼愛大雅不遺以長取人由恕及物傳鳴鶴  
之羽翮文斷木以青黃必使接天衢之遊庶幾成宗  
廟之器量能非稱荷賜過優敢不厲終身歸潔之心

暮古人特立之義老將至耳未耳四十而無聞孳恐  
失之尤愧寸陰之可惜誓堅素守上荅明知

謝奔大學博士

伏蒙保舉克太孳博士者天子辟廡之地尽集時髦  
儒林師保之官屢先宸選願惟淺陋可復堪任如菓  
者嗜學大迂賦能俱短奮壯年之精銳擢一第于淹  
回尚隣黑髮之耒凋自許青雲之可致以牛捕鼠鈍  
不違時緣木求魚勞非得計碌、衆人之後遲、行  
路之間璞玉既非徒使戶胡而笑國能未就殆將匍  
匐而歸里重以笄冠相仍松楸未卜瘠土寡棗盛

之奉弊廡風雨之憂弟兄役于賤官鐘粥皇而卒  
歲低回薄祿倥偬寸心詎能忘流俗之情何足語丈  
夫之志听南枝之啼鳥潛感星霜覽比山之遺文空  
慙雲笈嘗從大府猥在泮宮人皆謂之投閑已独知  
其非據褒衣布坐每聞弦歌之鏗鏘黃卷滿前為異  
簿書之恹惚養口有便之飽動人無赫之功但  
客一日之可居奚論十年之不調而况上官旁照雅  
意過優羅觴豆以相娛裂牋滕而更唱有如此者不  
亦樂乎敢期剪拂之私更備薦論之列此盖伏遇某  
官至誠無間大德有容與庶物以為春耻一夫之失  
所芝砂並用初何與於豕零鼎俎既盈猶不遺於鷄  
胸賜出仁人之愛感深國士之知歲之中心誓以沒  
盛假釣弓於羿手固無百中之期譽駑馬以龍媒已  
增十倍之價敢不明去就之有守要終始之不偷庶  
幾激昂少答知遇

謝館職

落筆玉堂之上僅綴千言振纓冊府之遊濫陪群後  
論說無本文辭不工序當今可舉之政事則未究大  
情考先王已行之法度則不閑古訓訖無可錄退有  
後憂豈意江湖納汙川流一貫龍蛇啟蜚螻步同仲

雖幾去而復收終以榮而為懼惟天祿石渠之故事  
乃皇墳帝籍之所藏或出於秦人煨燼之餘稍見於  
沒塚斷殘之後書尤難於盡信史已甚於闢文寢閣  
諸子之異同頗識古人之章句詳延沉雅分命訂離  
煥爛遺文上古東壁凌馮危觀古謂蓬山坐尤迫於  
帝居人或夸於仙去多士願聞其推轂名臣輩出於  
此塗由漢則子雲劉向以經術備員在唐則九齡房  
瑄以辭章入侍故博洽名家之士萃聚乎東西兩京  
太平儒術之功浸淫乎數百餘歲得人甚盛曠古所  
無國家累世紹休生民底乂囹圄空而俎豆布干戈

藏而鍾律修百度可觀皆博士儒生之論四方求獻  
多山嵩屋壁之出永惟英皇對越治古取士必先於  
素養詔大臣各舉其所知一新東觀之討論樂得英  
材而任使遺風東講幾數十世之相望引類並興以  
二十人而聞上一時名德之盛落相高於今侍從  
之華班：可教規模良遠典故具存天祚真人日熙  
庶政躋世於安寧之域作人以忠厚之風正臣進而  
群枉之道消德意孚而不肖之心化股肱一體既丕  
式於老成諒直多聞將旁求於新進丁寧細札祖述  
旧章使棲遲涵泳於圖書翰墨之林以滋長成就其



高大光明之器蓋榘楠杞梓湏千尺之幹珪璋琮璧  
非累日而工必與之以追琢其章亦漸之以雨露之  
潤然後薦丘壇以交神明之貺壯宮室而除風雨之  
憂豈徒然哉所用如此若某者生而非敏壯也無聞  
學淺鮮而不根氣萎蕤而易涸英華無幾局韻大拘  
既未能赫々以動人固不善盱々而狗物以牛捕鼠  
鈍不適時緣木求魚勞非得計碌々衆人之後遲々  
行路之間幸從庠序之外官不廢絃歌之舊習家有  
一鍾之石篋無三上之書乘鴈雙鳧既不闕於多少  
大鵬斥鷃亦各適於逍遙何期近粥之誤知遇以不

才而應詔傍徨捧檄踈踏振衣為逢極治之朝庶達  
敢言之志而旧文卑弱空驚賈誼之過秦素喜寂寥  
良愧陸機之入洛家幾索米門寡曳裾待漏赴期懷  
鉛就席感嘆紵袍之故態顧瞻金馬之盛遊下筆不  
休乏傳毅屬交之思令人忘倦非馬周論事之才雖  
鈎孿綴拾以成編終底滯迂踈而可笑畫地作餅何  
以療飢曝日獻君未為知術尚蒙採擷不即棄捐驅  
蹢躅於遼東竟無他異望騰驤於冀北猶踵後陳是  
何異綴魚目於夜光袖狐裘以羔袖既棄准度有誤  
題評此蓋伏遇某官道德在躬問望超世契光華之



盛但見事業於有為文章博洽而不以窮人器質渾  
厚而樂於成物致茲末品亦預同升所願讀書陽城  
猶喜於從吏未能成賦左思亦幸於為郎而况大君  
深切之訓詞近侍雍容之知遇實英俊並遊之會方  
朝廷有道之時戴白之老畢世而再逢窮巷之士動  
心而竊嗟美意不輕於樂育終身敢薄於自期固當  
漂雪滯昏鏗磨頑魯黽勉平生之志激昂君子之風  
不獨丹鉛點勘之為工必使事業語言之可用老將  
至矣寧自廢于聖時行或使之冀少伸其素寧

代庭玉弟謝呂大資舉縣令

量材非稱撫已增慙嘗聞人寔難知士非易遇言非  
可听仲尼猶失于宰予君遂不來孟子卒排於臧氏  
盖乍賢乍佞如山川之莫測一用一舍譬霄壤之相  
遼故聖人窮理以尽現物之明志士感知而輕殺身  
之報不敢忽者是非之智所尤難者上下之交而况  
自五十而知命則始可與言去就之方非三月不違  
仁則未足以見始終之操富貴紛華之外慕窮愁怨  
忿之內攻持以雨端頽中流而俯仰半於九十厭末  
路以低回將必保其穷年詎輕掄於精鑿至若塵埃  
蹇步蓬藿孤生懷美玉以待時望青雲而引睇平日

寡遊談之助滿朝無曳履之容絕茲未小於知音投  
璧忽逢于按劍澤邊散髮誰謂興嗟轅下長歌幾成  
感泣故自昔重功名之際謂逢非旦暮之期惜乎古  
義既凋餘風益薄一諾稍輕于許可衆人爭効於馳  
趨詭譎不情囂浮易喪見利忘義遽操射羿之弓枉  
道事人翻作吠堯之犬或前恭而後肆或昨是而今  
非能聲暴著而毀議已喧章墨未乾而按檄隨至未  
流及此來者謂何共覩覆轍之危益起吹蠶之戒自  
非行義夙著志音日脩磨不磷而涅不緇窮益堅而  
老益壯則何以仰于品藻過被獎提有如此人未覩

數輩若某者器惟拘小才不逮中早霑世祿之微勉  
踐儒衣之素簿書尤沉徒汨于賤官饘粥未克每  
皇于卒<sup>歲</sup>殫駕短甘在捐驅狗小邑之僻迂念孤蹤  
之眇末潭下府宇屢偃倮以趨庭兩下台躔悵熒煌  
之在目既接以德容之盛又飲以言教之和終夜以  
思未識自脩之漸之年一眄敢希與進之優久俟譴  
訶輒叅論薦感恩幾<sup>涕</sup>拜寵若驚此蓋伏過某官道  
德在躬功業超世以勞謙而下物由內恕以與人大  
治既鈞不遺於頑鑿春陽一育無間于塞根敢不勤  
畏簡書日嚴操履慕古人特立之義勵終身歸潔之

心少副所聞仰酬大賜過此以往未知所裁

代謝薦

蓋聞先王之時公卿大夫相與進賢拔善者既不敢蔽其所知閭巷賤士所以致身託命者亦不敢易其所守薦人於朝與衆共之非挾子恩也彼以道爲見知于上由已得之非矜其幸進也吾有義爾故賢與不肖自乎人而朝不沽薦士之名得之不得尸諸命而下不爭施我之惠此之代所以直道而行也逮乎古風凋薄流俗競奔操權挾貴之家無恤于徇公貪得銳進之士不差乎詭遇同乎已則終日而再遷

不同乎已則穷年而不問見其利則一揖而進未見其利則三已而復來所取或非其人所得不由諸道意相<sup>與</sup>者必曰每聞其某氏之子勢可籍者必曰願出於我公之門由富貴之使然宜情狀之乃爾其或義不遺於公舉禮無失於自媒在昔所難於今能幾如如某者受性煩闇與時迂踈素無王公之遊粗知義命之分僂俛寸祿低徊末塗固知其才不過人所幸者而寡禍但甘屏默敢冀薦論伏惟某官內推恕心外示寬德樂至公而與進操古義以自期不緣左右之言借以吹噓之力憫其孤弱俾遂遷升非獨小子



之愚可當竊為東州之士相賀昔羊祐之舉不容私謝孔光之薦嘗恐人知顧惟鄙心未敢忘報寸陰可惜誓不墮於素脩驚力未殫庶益勤于來效

### 又代謝薦

伏蒙某官保舉某充職官任使者從命指呼慙非強給上章論薦過荷陶成雖大人推博愛之心而不肖有過情之惧省循非祢感激無窮竊聞知人之明自古其嚮驩堯之凶有容于堯舜之世寧我之辨或取于仲尼之門在聖智以為難豈尋常之可忽故先王之法必試其所譽使百官之屬各舉爾所知行能皆

中則得好賢樂善之稱品藻一誤則蒙罔上不忠之罪然猶在位者以誠明相許為士者以名節自高進無待于私言退不容于來謝迨乎士流冗濁俗習競奔羞隱阨而幸功名惡貧賤而邀富貴邪柔多與浮詭不情語言和原以易親趨步周旋而可喜僅獲壹辭之奔益加百拜之勤厚祿稍光素脩已惰術既成而反思射利罟所在則不耻吠堯謹厚者輒以勢驕潔白者終于墨敗斯皆物移所志于害其才固宜推轂之心必有吹蠶之戒彼哉奚取來者益艰自非操致遠之資曷足干公之鑒伏念某器能淺狹性識



專愚學未知方仕將為祿久承弓冶幸家法之猶傳  
勉視簿書豈民情之素習適緣初官託在巨庥去其  
俸兒之尊進以父兄之教切勤佩誦粗免譴訶復嗟  
獎于吏勞俾叅榮于慕佐發揚有自感勵不志此蓋  
伏遇某官大德有容至仁無間憐不能而如已無求  
備以与人文朽木以青黃之華傳鴈鳩以羽翼之助  
將從瑣賤漸致激昂敢不夙夜在公始終一節暮古  
人之行已勉循吏之愛民立事功立遽敢言于今日  
非礼非義誓不辱于終身惟允蹈于所聞庶少酬于造

代謝改官

觀其為主進身者豈易于知人奔尔所知為上者亦  
难于與物盖非義不合以道泛觀可否在我而不蔽  
其心窘達自天而一户諸命逮夫名实不立風俗浸  
衰視祈悠々不断于是非之際情為擾々必争于得  
喪之塗至有迂風多推赴火先熟蘭子之劍適者欢  
心東郭之竿不知濫吹雖出爱僧之素昧未成利害  
之相攻其成巧言如流素書盈束幸韓荆州之一見  
借鄙有道之片言高淡則自謂退藏大致則求為客  
悅凄酸易感僅尤躑躅以悲鳴媮媚不情何異盱眙  
而獻笑斯皆季術守氣節不剗間有风波之民莫測

山川之險合三言而成席湊一隙以沉舟甚則蜂虻  
起依豺狼当路交鬼未得韓盧爭先螳螂方休黃雀  
窺後斯人也何所取尔為士者不亦难乎如某者少  
則甚愚壯而寡與棲遲末路贈證累年再領簿書嘗  
惧勾稽之失一臨民社敢言抚字之勞所願者惟畏  
法而奉公自信者不剛民而病物訖無顯狀輒誤  
知挈短步于祿階脱一死于選集陶成有自感服知  
歸此盖某官大德有容至仁樂與傳鳴鳩以羽翼文  
斷木以青黃使之物有成才器無近用致茲寒陋稍  
預迂陞敢不御守官箴益脩德履不為俗吏之効勉

蹈古人之風貴不可求敢忘于于寵祿志須有立庶  
少濟于事切

樂靜先生李文集卷第二十一

啓狀十四

賀門下司馬相公

賀平章文太師

賀左僕射相公

到任謝右僕射

謝大漕

賀南京知府

賀吳運使轉官

賀右丞

代石職方答交代

代人尚兩府問候

代賀方回謝舉換文

代人謝安撫

代人謝副漕

代人謝兩府

賀門下司馬相公

寵膺除詔進貳納言多士彈冠欣見雲龍之會都人  
夾道競觀袞繡之歸惟嗣王勤欽止之思而賢者動  
翻然之意天惠有道時丁大平明良相惟上下蒙福

恭惟某官生民先覺當世宗工富貴死生不動心如  
孟子行止久速必治己以仲尼故特立于議論之間  
不惑于是非之際間當言責益勵風猷於義也剛柔  
恤衆人之怨不可則止匪懷好爵之縻養疾家園遊  
心聖闕疏泉種竹自以為迂隱几讀書莫知其老潔  
身自信與世尤踈謝流俗之睚眦挹古人而嘯傲德  
無與暎貫洛水以並清望不可攀壓高高而獨峻雖  
雅從於燕處終未慰於岩瞻屬睿智之紹休念艱難  
而在御允升故老丕式壯猷暫紕治于東臺將燮調  
於大花夙有進思之志今為行可之時不負蒼生安



暇東山之高卧方思霖雨果符傳野之旁求人心同  
樂于春臺國祚大安于盤石四方無競萬世有舜某  
猥以微蹤數蒙優眷限拘符守阻造鈞庭

賀平章文太師

光膺策命入拜師臣三公惟人大廈有棟樑之任一  
相處內四方如泰華之安天扶聖君人望元老歡樂  
精神之會流通上下之情禮無與隆時所罕遇恭惟  
某官孕灵岳秀配德坤元器深厚而有容道直方而  
不撓武足以戡定亂略文足以潤色聖謨可托大事  
則社稷之臣不親細務則帝主之佐進人如已愛物

以情碩畫嘉謨撫寧于華夏陰功隱惠孚感于神明  
故能業亮四朝身兼五福出入將相幾四十年古今  
勲勞無一二輩屬真人之嗣服攬庶事以爲新謂國  
軍禁令有未決之疑左右輔弼皆後來之後俾辭留  
鑰入造內朝集冠蓋于都門羅甕殮于候館衮衣已  
往難留洛水之舊邦皓首復來共識仁皇之真相龍  
光疊被衢路榮觀于今熙河之餉餽甚艱遼夏之疆  
隅未復不足者九年之食已傷者百姓之財將冗而  
卒驕吏繁而員溢永賴著龜之舊德克開社稷之遠  
圖俯陪調鼎之司獨踐位槐之地壽考之美兮邁德

於汾陽禮樂之功更仰成于姬旦其素惟鄙昧九荷  
獎提台座熒煌帳披雲之在望駕蹤疲曳但服駕以  
長鳴

賀左僕射相公

拜命大庭分聯左揆天人相與君相並與千載一時  
永契太平之會四方萬里共蒙生氣之和竊以舜帝  
舉臯陶而竄不仁高宗命傳說以求古訓固先王而  
為政為天下以得人踈佩遺風復見今日顧安危之  
所繫宜上下之稱歡恭惟某官名世真儒生民先覺  
稟三才之正氣思則無邪以四海而為心達則兼善

智大而必先於遠致行高而不可以小知未嘗枉己  
以直人豈憚屈身而伸道三諫不聽漠無干澤之私  
萬鐘何加惟有養恬之樂屬大明之紹服講庶政以  
圖新急聞至言優禮元老以公義而自處為衆人之  
不能匹夫未安深軫納溝之念至誠獨立靡懷濡足  
之憂故進賢退惡而多士歸心興利去害而庶民不  
議果膺睿渥叅秉鈞衡飛鴻之遇順風已如夙志大  
旱而作霖雨咸賴我公益扶萬世之安永尚一人之  
慶某猥叨憐遇倍切懽愉限守州符阻造台屏

到任謝右僕射

守籥真祠幸退安于襄暮分符督府復誤玷于恩榮  
蒞事已還俯射知惧伏念某器能賤鮮學術拘踈猥  
遭遇于昌朝粗激揚其懦氣一登言職五委使華第  
殫報國之忠且乏過人之譽方欲屏蹤於田野庶幾  
息駕于桑榆歌詠王明涵濡聖澤敢祈寬詔特假便  
藩謂朽木可雕未忍輕其棄置而老馬知道猶堪責  
以馳驅此蓋伏遇某官大業亮天元功播物歡樂精  
神之會陶成小大之材每憐寒拙之無它曲示舍容  
而與進俾更善地以養餘年敢不益勵素修仰酬巨  
賜上骸朝廷之意下安閭里之情十駕雖勞尚不忘

於夙夜一毫有補庶無負于埏鎔

朽木不可雕一作隊履可收

### 謝大漕

河山連絡右稱督府之雄民物浩穰今實名臣之寄  
揆材非稱冒寵若驚恭惟某官儒服先知相門英曹  
獨倚公忠而報國不投機會以幸功間調王師特分  
使領議論可畏共觀文正之餘風備禦有經多出延  
安之故事雅推高義益東上智暫紕吏于西曹復理  
財于東部洗深文之苛亟悉附寬條起疲俗以惠和  
坐成樂國猥惟朽質獲託巨庥敢不勉勵吏能奉行  
詔旨追洙泗聖人之化盡革侵蝨師武宣循吏之風



少移忠厚過此以往未知所裁

賀南京知府

主漕南州悵星霜之屢改得州東部幸鷄犬之相聞  
仰惟坐鎮之餘益保天和之固恭惟某官三朝元老  
間世真儒蚤起禁從之華屢更天下之故淡薄榮味  
恬安仕途雅為多士之表儀綽有古人之風度顧惟  
商丘大府甸服別都當舟車孔道之衝寔名德偃藩  
之地暫資賢望未慰岩瞻道之將興方慶風雲之會  
人惟求舊必先柱石之材竚奉詔音八陪鈞輔某素  
慙孤賤曲被眷憐兩地河川宛隔登龍之步累年膏

臆莫親揮塵之談敢冀上為廟朝精調寢饋

賀吳運使轉官

右某伏審密奉清光茂膺嘉命一日三接已躋侍從  
之華六轡載馳特總漕輸之重起土人之驩慕聳吏  
部之榮觀恭惟都運待制與聖並生以道自任識當  
世之先務為衆人之不能屢奏顯勞再更劇地弊源  
漫溢豈十手能可支議者徬徨無一辭之可措照理  
于變通之會撥繁於談宴之餘倭指布籌已足三年  
之食街艦擊鼓暴登百萬之輸果被詔音八瞻宸坐  
天子促席而為之改色財臣斂手而敢爾言功遽陞

延閣之班尊委外臺之寄金絲寵薦競觀賜物之新  
彩旌啓行喜拜使華之舊即聞節召入踐鼎司詎容  
東俗之少曰將使萬邦之均慶某素惟孤陋猥荷獎  
提蕞爾卑飛敢起青雲之望塊然頑鑿將希良洽之  
功限守官箴阻趨鈞屏下情無任欣抃激切之至

賀右丞

拜命中宸分聯右轄正人既進朝庭之勢益尊大道  
將興天下之民斯幸某官秉心亮直學古粹深常一  
志于險夷耻因人而進退不可則止懷著龜先見之  
明於義也剛挺松柏後凋之操屬大明之紹服攬群

後以在朝間自西州入升內相謂輔世必忠賢在上  
而順民惟政事為先總正臺綱共謀五體六官成績  
方注意于名儒萬世永圖將登庸于真相

代石職方答交代

濫趨末宦獲佐近州吏踪紛迷詎免曠官之黜塵蹤  
疲曳屢懷解綬之歸豈私幸之僮來承更書而俯罷  
未見君子實勞我心愧禮好之方修忽郵書而俯及  
矍然拜賜瀟若對顏某官器度淵沉性姿踈敏仁恕  
為政有古吏師之風問蒼在躬為時士人之望尚資  
閔決暫爵遠圖將聞濟水之民復起海沂之詠退慙

淺薄輒遇交承久雖學步而未識國能素不善歌而  
敢期和者履難加首顧賤質以奚堪瑜不匿瑕幸前  
非之將掩瞻風甚適晤德猶賒伏祈善保興居茂迎  
寵祿卑情

代人上兩府問候

言念仰泰階之焜耀目遠鈞臺奉使節以周旋身勞  
塵鞅稍易寒溫之序未修咫尺之書每思犯分以陳  
情反畏黷尊而取戾雖江湖之量無待細流之歸而  
燕雀之軀寧忘大厦之託徬徨茲夕畏惕益深與其  
自怠而不言未若以誠而歸罪恭惟某官著龜舊德

柱石元勳契千載以有為躋四方于無競君子在位  
士皆樂用其才百姓既安民罔不同于善道行而政  
舉法具而官修百谷順成四夷內附在簡曹近用不  
過填以無為如房杜淺能何所施其素業粵惟盛際  
允屬元臣三代可追不獨稱于兩漢大章繼作方有  
賴于一夔某樗櫟散材墳壚惡埴猥叨匠斲竊累陶  
埏誓殫夙夜之勤不忘頂踵之報高秋在序福履是  
宜尚祈寢饋之以時俯慰士民之所望

代賀方回謝舉換文

誤塵恩命特易班資度德無堪撫心增惧雖去彼取



此均曰服勞而舍短用長粗知從欲再循幸會尤切  
競凌昔者朝廷分建百僚文武均為一致逮乎選舉  
不一仕入寢分儒生尚文雅之風武夫夸疆場之任  
國家病人材之偏廢開吏道之通規或貿厥官亦從  
所志去東曹者素寡脫右部者寔難初試其藝則十  
或取三今薦而用則百不得一如某者性資凡闇智  
識謏拘姑求得祿以養親安暇擇官而就列一事誠  
有未知六藝之文乃所願學艱閔末路困折萬端殆  
將等于臺輿豈止供于呼召竊論先王之糟粕人以  
為狂進登君子之門墻已猶知愧栖、俗狀役、半

生謂秦無人敢辭清議與蒯為伍頗屈素心已甘孤  
宦之飄零忽累大臣之論薦遽超常格曲預優恩此  
蓋伏遇某官一德亮天大鈞轉物攬多士而並用拾  
寸長而不遺致此微蹤俾更舊秩敢不仰首報稱益  
勵踐修躍冶之金固已不詳于物棄溝之斷猶將有  
用其材過此

代人謝安撫

祇擇剛辰俯臨郡政分符流水嘗受賜于恩門補郡  
徐方復承流于使部依仁有素得地愈安蒞事已還  
撫躬知惧某官忠勞許國德業在民蚤振武于掖垣

暫偃藩於方面清列城而安堵竦百吏以趨風夫何  
謏能辱在威部敢不奉循教約修督事功誓殫夙夜  
之勤庶獲消埃之郊

代人謝副漕

祇擇剛辰俯臨郡事河山連絡至若驚與謝大漕者同

某官國器粹溫天材超穎夙著強明之譽屢更任使  
之煩方密東于上心暫出臨于東部清列城而安堵

竦百吏以趨風

下與謝安撫者同

代人謝兩府

待罪平陽幸免曠官之責承乏泗上復叨假守之榮

材屢試而非長恩愈深而知懼伏念某器能淺薄學  
術迂踈遭會聖時依緣仕進一登朝藉已孤報國之  
勞五領方州久濫長人之寄猥蒙優貸仍許再留遞  
遷督府之名蕩俯在陪京之近服河山環絡疆井浩  
繁宜有聞人以資良幹豈容朽質輒玷誤恩某官大  
業亮天元功播物歡樂精神之會作成大小之材過  
憫孤蹤與更善地敢不奉循詔令究悉事功十駕雖  
勞莫不忘于夙夜一毫有補庶無負于埏鎔





